



Broj: 01/4-02-1-1510,29/16
Sarajevo, 29.8.2016.

PREDSTAVNIČKOM DOMU
PARLAMENTARNE SKUPŠTINE BiH

BOSNA I HERCEGOVINA PARLAMENTARNA SKUPŠTINA BOSNE I HERCEGOVINE SARAJEVO			
PRIMLJENO: 29.08.2016			
Organizaciona jedinica	Klasifikaciona oznaka	Redni broj	Broj priloga

3
40

Na osnovu člana 119. Poslovnika Predstavničkog doma Parlamentarne skupštine BiH („Službeni glasnik BiH“, br. 79/14, 81/15 i 97/15), Komisija za finansije i budžet Predstavničkog doma Parlamentarne skupštine BiH je na 29. sjednici, održanoj 29.8.2016., razmatrala Prijedlog zakona o izmjenama i dopunama Zakona o zaduživanju, dugu i garancijama u drugoj komisijskoj fazi, te Predstavničkom domu Parlamentarne skupštine BiH dostavlja

IZVJEŠTAJ

o Prijedlogu zakona o izmjenama i dopunama Zakona o zaduživanju, dugu i garancijama (predlagač: Vijeće ministara BiH)

Vijeće ministara BiH je 20.5.2016. dostavilo Predstavničkom domu Parlamentarne skupštine BiH Prijedlog zakona o izmjenama i dopunama Zakona o zaduživanju, dugu i garancijama (u daljnjem tekstu: Prijedlog zakona) na razmatranje po redovnom postupku.

Kolegij Predstavničkog doma je, u skladu s članom 106. st. (1) i (2) Poslovnika Predstavničkog doma, zatražio od Zakonodavno-pravnog sektora Sekretarijata Parlamentarne skupštine BiH (u daljnjem tekstu: Zakonodavno-pravni sektor) mišljenje o Prijedlogu zakona.

Zakonodavno-pravni sektor je 24.5.2016. dostavio Kolegiju Predstavničkog doma mišljenje o Prijedlogu zakona.

Vijeće ministara BiH je 13.7.2016. postupilo po mišljenju Zakonodavno-pravnog sektora i u parlamentarnu proceduru dostavilo Prijedlog zakona o izmjenama i dopunama Zakona o zaduživanju, dugu i garancijama.

Komisija je na 28. sjednici, održanoj 27.7.2016., razmatrala Prijedlog zakona u prvoj fazi - rasprava o principima, te je, s četiri glasa „za“, jednim glasom „protiv“ i jednim glasom „suzdržan“, prihvatila principe Prijedloga zakona.

Predstavnički dom Parlamentarne skupštine BiH je na 34. sjednici, održanoj 1.8.2016., razmatrao i usvojio Prijedlog zakona u prvom čitanju.

Komisija je, u svojstvu nadležne komisije, na 29. sjednici, održanoj 29.8.2016., razmatrala Prijedlog zakona u drugoj fazi - rasprava o amandmanima, te utvrdila konačan prijedlog izvještaja.

Nakon provedene rasprave o Prijedlogu zakona, Komisija je:

1. konstatirala da je na Prijedlog zakona poslanik Predrag Kožul uložio jedan amandman.
2. većinom glasova usvojila amandman, koji je postao sastavni dio teksta Prijedloga zakona, a koji glasi:


Amandman I.

U Prijedlogu zakona o izmjenama i dopunama Zakona o zaduživanju, dugu i garancijama Bosne i Hercegovine u članu 1. stav 2. kojim se mijenja tačka 31) Zakona, mijenja se i glasi:

„U tački 31) riječi: „je Ministarstvo“ zamjenjuje se riječima: „su entitetska ministarstva finansija“.

3. sa šest glasova „za“, jednim glasom „protiv“ i jednim „suzdržanim“ glasom prihvatila Prijedlog zakona o izmjenama i dopunama Zakona o zaduživanju, dugu i garancijama sa usvojenim amandmanom u drugoj komisijskoj fazi, te Predstavničkom domu Parlamentarne skupštine BiH predložila njegovo usvajanje.

Na osnovu člana 122. Poslovnika, Komisija je za izvjestioca na sjednici Doma odredila predsjedavajućeg Komisije Predraga Kožula.



Dostavljeno:

- naslovu
- a/a